



02651

鴻泥日錄卷五

八

卷五

卷五

卷五

卷五

卷五

十五日上元發高陡驛晨具香楮祀江神乃行過魚子洞崖峻水湍繹路仄滑不可駐足當岸半穴石貫巨鐵繩橫絡山腹繹者引繩乃得過幸此江下水船皆不帆不繹惟上水用繹由東徂西至此魚貫以度若兩繹相值勢不並越則危險甚矣午至明月山山上有廟曰明月菴望山壁一石峭立里許蕩蕩不可上從南小山縈紆開逕斜達山腰跨兩山間有橋過橋即廟門更上一二里乃達殿宇處其傍崱腹有廟簷宇隱約喬柯踈秀風景頗佳惜舟人行鴻泥日錄

卷五

一

船亟不爲停棹又陰陰未霽殊碍登臨據舷目送恨失一良晤也過山行十餘里江聲汹汹知已入清浪灘界船中人動色相戒誼諫雷合繹人蒲伏負繩頭爪肘膝齊力以進如縋萬鈞篙師柁師諄蹶不絕口手足腰膂肩背處處助篙爲力如簸如撼或仆或起撐距久之始得平處稍蘇喘息俄而前灘又至矣其尤險處各夾板崖亂石截江可渡處纔通一舟舟左右皆石舟下復有石篙少不力輒格水中石卽少轉側又觸旁石繹者皆在岸上舟中篙柁僅兩人力不足恃居人知此險當險處輒有數人踞舟傍石

上舟過卽躍入舟中代之用篙或推船舳避旁觸衆手蓋力不斯須竟過矣旣過乃索酬資數十錢殊不爲吝此亦佳事也過此灘尙多多然險皆減於此五六矣清浪灘四十里崖當其東過崖又過數灘日已暮夜不能出灘遂泊村市下地名燒紙舖意謂過險當酬神也村屬沅陵縣民居數十家在高岸上燈火寥寥殊不似元宵景色

十六日發燒紙舖晨行十里出清浪灘灘外有伏波廟廟下有石橋頗整峻不知橋下水何名午至銀壺山舊傳山中仙人居山高處懸一銀壺朝廷曾取觀仍還其處不識

鴻泥日錄

卷五

二

何代何年事艤船山下仰觀不可辨惟見白石壁上一點如黑子而已山下名介灘云多奇石名介石未暇蒐采也對岸一山人家層疊土多可耕遙望畫區如碁局使人欣然自過桃源界以來峯巒回複竹木茂密塞岩巖翳谷松則萬松杉則萬杉桐則萬桐竹則萬萬竹山自爲林岡自爲族其不林族者則雜樹瀾蹊短竹隱石柯藤棘蔓夥够莫名大抵森鬱有餘踈朗不足到此偶一改觀故饒新趣是日晨起行數里遙望白霧彌空波色山容茫茫不辨棹行水中僅辨水面一矢地而已已而烟霏漸收層岡隱現如

縈如帶降而不升山氣歸山水氣歸水天宇稍稍澄霽乃知非霧故是還雲耳午觀日光如見趙衰矣將暮至白涌稍憇亦一蕃富村也俟月出揚帆又行三十里泊楊家塘岸下出船望月天無片雲爲改歲來第一佳致

十七日晨陰如昔新寒甚峭宵來月色侵篷隙光落枕對之志睡將明始作華胥甜夢夢中聞舟人呼譟聲篙聲石聲披衣起問已過大紅石洞下灘矣此灘亦號險流過之殊不覺知乃信睡鄉風景不惡也過灘云卽九溪其東號九溪腳頭有廟題曰清平廟其西復有廟與此同兩廟中

鴻泥日錄

卷五

三

間十許里中徃徃石橋跨澗繕甃峻整不下八九橋意謂橋下當卽是溪獨疑九溪固名水何以橋多洄流問舟人曰非也此地山凡九磯耳行半日望山上有塔云辰州塔過塔又半日復得一塔形模正等去郡城僅數里矣兩塔遠近相望爲郡治形勝城依山而建地勢偏側不如常德雄曠而殷盛亦遜之憇半日購薪蔬醯醬循南郭西去暮

泊裡溪

十八日發裡溪陰翳不開寒意有加行數十里過瀘溪縣城小而固當舟之右左岸一山名稱它山山南有塔沿途

所見小塔附城者多未必盡取北文筆大抵地界江滸上
如舫載故各各作塔以象維舟之杙用厭水患理或然也
過縣則斷磯瞰波蟬聯相次竒皴異貌一望一新左右頗
煩應接矣南有馬走崖仙人房房有木無瓦嵌崖間如蠟
人不能至人言尙有仙人寶劍可望見余未之覩也尙有
洞洞中石肖僧趺又南對岸爲白龍厓石壁彷彿似白龍
形或云昔曾見白龍乘風雷下此故名登舟時稔灘路險
與舟人約勿帆留帆武陵而行是日風利舟人潛挂席桅
端詰之對曰非帆僅片席無傷也已而風漸烈席着桅不
鴻泥日錄

卷五

四

得下猛颺驟來吹余舟側偃水面僅而獲起外父船廻泊
解席爲他舟觸損船首木一二尺亟趨茅家灘岸下泊始
慶更生可謂徼天之幸矣然此地水平無險非以受風故
不至危乃知渡此河非但帆不可用卽席更危於帆也泊
處人家少風又怒號不息徹夜不能成寐

十九日發茅家灘風稍息雨繼作篙槳受雨卽爲冰篙者
且行且敲水簌簌然緯者振衣作脆玉聲當緯路阻水處
跣而渡脛踝皆赤腫以昨有咎故噤不敢呻外父愍之聽
停泊待雨止乃泊浦市去昨泊處裁十餘里楚有三市荆

之沙市嘗市與辰之浦市而三市雄庶不下辰州街巷數十兩不克遊僅入市門數十武畧觀梗概而已所入巷題曰吉十街街左方演劇祀闕聖帝雖畧異鄉音亦未甚相遠市外繚以周垣八九年前苗蠹時所增築也繚人多病足者船人辭故傭更賃新傭又覓麻陽人寄家問並其僱值市距麻陽僅百里故縣人多萃此

晨發見船人病涉

將何功德報斯人呵凍牽船劇損神汝以蠅頭輕性命
我非驪足愧艱辛黃棉尙靳排雲出大被安能與物春

鴻泥日錄

卷五

五

共戴堯天皆赤子同君萍聚自相親

二十日發浦市天未放晴寒沍畧減行數十里近辰溪縣縣東山上有塔亦如瀘塔獨此塔當江流屈曲處循山趾徐進時隱時現望塔三面較昨諸塔尤有致城枕江爲短堞民氣亦實城外山坡間數十人習射遙望馬馳陂陀間不失矩度罄控可觀城對岸高構層閣爲遊覽勝處額不可辨問舟人云崖名風流崖菴名風流菴聞之不禁失笑里俗人固不解記佳名耳自辰州以東山多作直理其勢崔嵬而盤鬱自辰塔以西山多作橫理其態崑崙而瀾衍

東山峻逼西山坦曠辰州城東始出峽岸驟覺天宇廓邈
過此雖層巒相望大率兩岸互爲揖讓左前則右却南近
則北遠岸情波狀漸愜人懷而辰溪山磯尤多奇秀縣西
一磯斷崖嵌覆片石訶呀土人呼爲龍舌石過此磯磯皆
有眞色石紋百變脩種種畫法而居人輒椎鑿鏗鏗斲山
骨燒作石堊觀岸左一山已碎大半矣此眞殺風景不解
事之僉也江流中一巨洲名木洲洲有居民洲上雜樹森
森自杉松數種外葉皆已冬零而多寄生之木寓生之草
望枝柯間蒙戎翠碧如鳳膺龍鬣殊爲奇景此洲左右山
鵞泥日錄

卷五

六

相望最高爲邑中山巨擘過洲二十里至棲鳳塘泊隣舟
夜有窺艙者驚呼相警寐不安席

二十一日發棲鳳塘宿脚未收新雲方作兩岸遠近山巔
處處皆作輕棉薄絮俄而瀾漫山腰船頭雨滑矣山高者
不過十丈低者四五丈而雲容峯峯相續良由近江膏潤
故嵐氣鬱蒸入春陰雨兼旬職此之故雖旅懷悶悶然到
眼實奇十七日觀還雲爲一奇觀今觀出雲又一奇觀也
舟在辰溪溆浦之間岸右爲辰溪界左爲溆浦界未得觀
其城市左岸有黃溪口壁上刻三字如盃曰世世度不解

何意自此以往村村岸上作長屋有宇無垣以庚午日競渡龍舟舟人言是日聚舟數百艘在龍頭菴岸下競渡遊人皆着白衣望之如雪不知爲靈均故與否龍頭菴距黃溪口不遠壁刻山水蒼泐四大字未到菴先過小漏子灘遙望石如羣水禽浮波上意爲鷓鴣之訛音也日暮雨甚不可進泊曲岸下在銅頂南同泊寥寥殊爲不適兩日來所見鐵冶至多煙燄燭天故是偉觀

雲

漠漠溶溶翠靄間踈踈密密失屏顏千重霧縠行仍駐

鴻泥日錄

卷五

七

萬縷輕棉去暫還波面淺籠遙羃歷峯腰橫帶乍彎環
春來已自饒霖雨笑汝無心浪出山

二十二日發銅頂天未明將理棹忽山頭作礮然聲殷雷
悚人雨亦驟至良久乃已北土雷作必在清明後此方乃
初春卽雷舟人習聞不爲怪也行七八里憇藤灣水中石
極細澤可愛畧探數枚而去過新路河望岸上陸路人肩
輿度山景殊可畫矚前過灘各溪灘石多而水勢尙平又
前有灘巨石當隘如牛水浮石上二三寸一舟纜灘下平
處留一篙一繹守之餘人盡趨前舟兩繹並牽攀樹石爲

力篙人撐距力爭良久乃上前舟又纜灘上平處衆趨後舟如前狀灘上水高於灘下水二尺塌十數人之力僅而克登吁可駭也舟中童子云此名惡灘余謂惡不可以爲名當名渦灘耳將暮過黃絲滾洞灘此灘爲諸灘最險歲歲壞人舟幸斯時水濶從灘傍紆過循小石洲而行然當渡洪溜處浪翻數尺舟低昂如汎壺樽雖僅濶十餘里勢已倍悚於江湖矣過灘昏黑泊王家河岸下遙見河上設盂蘭齋者燃河燈數百盞燦若燭龍立船頭觀之良久乃滅

鴻泥日錄

卷五

八

二十三日發王家河數里過安江司村市繁盛有巡檢司駐焉其前數里名風箏山以山壁石白色如帆狀然以余遙望之不甚似帆其山頂平如臺白石如素聖一壁中黑處不類桅類門戶政可名石倉山耳過倒掛金鉤灘以水句屈故名又南有大黑石山石渾然天成數丈無罅可履絳夫不能度不知何年鑿山腰作路一二里平直如繩可謂一大功德又前右岸有寺名小佛寺其灘名小佛灘又有大淤灘不知其義爲同爲異將暮抵虹江市果壯麗然較浦市不及其巖整地屬會同縣邑侯王公余秋試榜元

也恨程遙不得一晤殊爲憮然是夜雷雨又作泥濘阻遊
此地界常德鎮遠正中舟人請犒予一金俾羣飲盡歡
二十四日發虹江市舟人夙言竟日皆大灘心爲惕然行
數里卽連洲灘灘勢洶洶連續數里出連洲數里卽入大
漏子灘灘爲山對束屈折怒流力更湍悍舟人次第呼謀
而度勢不可觸氣象畧等渦灘彼較濶此尤偏耳當湍激
處有楊公廟蓋水神意卽息浪王未知然否其側一山仰
不覩山頂竒石壁立筆筆皆作斧劈畫法其近水低峯往
往澤如綠玉拊不留手無論水之險爲途所未見卽山之

鴻泥日錄

卷五

九

竒亦途所未見也又南過白馬閣灘分水灘凝石灘灘灘
皆險而以大漏子之險爲最是日終日行山峽中又類辰
東山勢而勢險節短百紆千折萬瀑噴迸助水爲猛則又
辰東所未有矣申刻過黔陽縣西門舟人言前三三日無
市物處因稍憇購米蔬郭中有龍標書院有關聖宮有旌
陽萬壽宮有馬王廟不知其爲伏波也天駟也過縣三十
里至兜水灣無同泊舟泊塘汎下地陂陀高岸登岸數疊
其上復有水坑甚濶蓋過縣以來山勢又漸平衍矣夜雷
雨屢作達旦乃已

二十五日發兜水灣曉來天有霽色旅懷稍暢已刻過高雷灘灘爲途中最險處與黃絲滾洞灘相伯仲舟過值水未涸紆趨右岸下而過亦未覩灘之奇險舟人皆相慶也過灘爲七里長灘灘雖長皆碎石粼粼不足爲險前過牌樓均見一廟面水題曰英勇公廟不類神號疑是近時人無由往一觀之又行過竹滄溪從山村出溪上有橋橋有長廊溪水湍濁江水清碧合流處劃然如線可以左濯纓右濯足矣自過沅江界以來江水恒綠湛可喜至近山溪處則水色時白時黃時微黑非本色也前過中坊村及腰鴻泥日錄

卷五

十

塘居民皆多有潘氏強宗也方構家祠甚雄麗入夜泊合掌崖崖無居人同泊一舟而已

二十六日發合掌崖晨過鴨子崖水中一石如鴨稍前至公雞崖一石如鳴雞其右岸爲仙人橋石橋天成有二巨石平而有足相傳仙人取石爲橋墩將駕橋跨江上聞曙雞鳴遂飛去故造石雞於其南語甚誕也午至榆樹灣老樹已枯當緯路過者據樹紆纜乃得過自黔陽西郭舟紆而北至是過灘始折而南與陸驛合岸上與舟中相望過馬公坪驛前三十里爲羅舊自過黔陽來山原清曠一邱

一壑時有勝致暮泊羅舊塘塘沈下去驛已遠岸僅一兵
偕孥以居同泊無一舟也

官驛臨江岸柳漸圻

風如并剪雨如絲又綴春光上柳枝好景難工吟漸懶
鄉心未動夢先知江潯誦賦饒新意夜燭分題異昔時
幾樹陽和千里共不須惆悵客帆遲

二十七日發羅舊塘風雨又至舟人冒雨行遍體淋漓觀
之心怵過狗拉崖意謂繹人過崖仄處常如犬行耳午後
至沅州府西郭郭外大橋上多列肆中爲觀音閣爲陸驛
鴻泥日錄

卷五

十一

要衢去年水潰其西一洞驛路遂阻云起蛟於此土也舟
行至橋偃桅乃度過橋泊郭門下不及入城登郭門二三
十步見列肆刻石作屏視粥之極工秀可翫江中鐵牛一
云以鎮水舉棹西行三里至馬王廟泊見岸上有廟甚宏
麗意是大祠往觀乃張氏家廟蓋鄉俗固然無嫌僭侈爾
閔舟人

濡滯自吾分此曹太苦辛陰晴由造物驅策坐何人泥
滑難逾險寒多雨不春一官翻累汝胞與竟誰親

二十八日發馬王廟晴旭在天雲激激從波面生望如鋪

雪頂之漸瀾天宇較之數日觀山雲作雨別一奇景矣過
廟數里即馬王廟灘水湍石巨羣舟集灘下率三四舟繚
者迭互並力牽挽乃上余兩舟皆自挽亦得上以裝輕故
耳過此灘望山逕紆折有致外父相呼共登余與兆元叔
率從者四人以從竹木蔭翳巒岫起伏皆來獻狀下望舟
行灘中水石鏗訇數里連屬不絕則石灰灘大小關洞諸
灘皆過矣登舟過大鷲灘險與馬王灘等其北爲小鷲灘
又前一山石綠如驚裙土人呼王八灘前一山皆紫石呼
烏龜灘其溪名美人溪溪名旣嫌太媚又近介兩灘間不
鴻泥日錄

卷五

十二

雅甚矣又前兩巨石如簪各打卦灘又過白茅閣白茅洞
皆有灘前至廻龍閣有塔甚朴無閣也暮至便水驛爲水
陸合處近驛一灘石伏水中不可見名老鼠鑽洞灘是日
灘險最多人力亦疲遂泊驛次

江雲

晴光纔放曉氤氳半里澄波望不分奇境慣經奇更絕
輕舟又破一江雲

二十九日發便水驛宿陰又復爲雨矣過蒲天星灘石細
碎而水四洩不足舉舟居人聚石作兩壩狀前障竹木如

笆以蓄水怒水從壩上噴落加猛僅足勝舟非然殆不可
上然牽挽亦艱甚矣其前黃河灘右阻絕壁畧似大漏子
山而石乏潤色灘水洶急剽悍濤浪畧等黃河宜得是名
舟人言前朝有妃被放歸自沉此灘故名皇后灘直音訛
傳訛耳前至大磁灘石巨不可上大類灑灑如象之謠意
謂舟至此每膠滯如磁石引鐵不得去故以磁名不知書
作此字否過灘又有小磁灘銅槽鐵澗灘長行餓馬灘義
都不甚可曉然灘雖衆湍不及黃河灘陡不及大磁灘濕
不及蒲天星灘不以爲患矣暮至晃州驛下泊旱驛自此
州州廢名存卽夜郎地也

鴻泥日錄卷六

二月初一日發晃州驛已初至龍谿口爲全楚村市極南界過此雖尙有三五小聚落皆寥寥不復成村矣南行半日左岸爲酒店塘右岸鮎魚崖崖壁石如柳貫三四鮎挂崖間舟人言崖後爲銀鑛山役夫入採者衆一日有美女持鮎賣洞口洞人走出觀俄而洞崩全活無美女挂鮎於壁示觀世音像而杳遂化此石普門慈悲廣大理亦有之不必持不語神怪之說苦相詰難也前過大庾塘灘始入黔路其灘有大孤庄小孤頂土人亦或作姑字此地無彭

鴻泥日錄

卷六

卽磯當不至訛以傳訛耳大孤灘視小孤尤湍悍左岸峭壁凌空巨石崿崿外父舟於湍流中爲驚波所薄逆流數步幸縉人力挽乃得上亦一險矣是日水石竹樹處處可觀右岸一巨瀑分爲三流噴珠濺玉砰訇駭人於沿途懸瀑中尤雄竒再前爲藤蘿灘林深竹秀古藤尤多蜿蜒橫掛巖間樹石如千虬飛矯各不虛得舟人訛呼爲銅鑼灘錯謬可哂再前分洲灘亦險數歲前黔太守戴公督軍儲宥發溺此過之不無怵愴其南鮎魚洞石洞外亦懸石如鮎僅一枚而已暮過數灘至大惡鬼洞聞其名色然怖駭

及至亦未甚奇險祇水稍激迅耳日入時至青魚塘泊灘
聲徹夜汹汹漸耳熟亦不以擾夢矣

初見黔山

到黔山水亦清嘉雜樹垂厓半欲花船背波光飛倒影
山腰雨氣壓晴霞平橋策策通魚港樵逕盤盤近酒家
驚斷篷窗千里夢瀑流吹落翠筠斜

初二日發青魚灘灘距塘不半里解維卽上灘余眠初醒
未覩灘勢平險但聞舟人許許作力聲水聲石聲知亦一
巨灘也前行水作三派出洲間卽名三岔灘又前兩水夾

鴻泥目錄

卷六

二

洲卽名二岔灘再前一灘名王岔灘三灘水勢畧相伯仲
過此卽筆架山巨峯倚天上作小峯如筆架狀五峯矗立
高庫肩次爲途中所未見近城爲萬卷書山山石寸寸相
疊細如刻畫二山於堪輿法極貴縈抱玉屏縣城顧盼有
情故邑雖庫陋人文殊勝釋褐登瀛相望不絕玉屏城因
山構基小而完整昨歲余就銓時玉屏亦闕宰余幾得是
邑是邑劇甚使客絡繹水陸交湊其民彫疲非余材所戡
也至邑門下登而窺其衢市肆尙不甚寥落未及遊而出
舟人以旱驛近愆從者四五人由陸行舟固無他裝以人

上下爲輕重矣前過灘曰老虎灘以聲得名曰石灰灘以色得名曰一灣水灘以水曲而深得名前至羊坪村聚殷庶從者從岸外行至此始與舟會蓋陸行已三十里過塘爲滾龍灘灘不甚險亦多大石前過灘問名曰香水洞灘又前灘問名曰串花灘名皆雅媚但未得覩其勝也暮泊岸下地名明白灘不曉何義

過玉屏縣

山郭蘸銀波人烟擁翠螺雲低春雨慣地迥使星多越俎非吾分民生近若何孤舟聊徒倚袖手聽絃歌

鴻泥日錄

卷六

三

初三日發明白灘過雷打厓相傳辟歷殛孽於此午至清谿縣近城一灘水尤迅猛兩舟人相助牽挽犬伏掌行兩刻許乃上一舟水又狹溜上下灘舟遙相待遞相避也麻陽舟下灘者皆去舟尾舵前尾而後首以尾無置繚地故途中閱舟雖多未見挽船首繚者至此灘則舟中五六人竝下灘岸於舟後唱呼挽繚畧緩水勢一脫手船激如箭頃刻數里矣過城灘土音呼渾梁灘再前有土渾梁灘意渾者橫也二灘中間爲閩君灘灘皆急流然險遜於城外灘遠甚過此有山甚高舟人言是鷄鳴關從此登山可

望遠較水程近十里外父兆元叔率從者以登余以夜來
微疴不能從從舟中紆程行過三四灘乃抵鷄鳴關下外
父兆元叔待山趾久矣登舟話關上風景萬峯在眼雲霞
縈袖使人意氣軒舉關傳爲諸葛忠武所建以形勢論之
洵鎖鑰地也前過驢子城有名無城經九腦水隨山勢九
曲亦險甚暮過狼洞灘至棉花溪泊棉故吾鄉土產南來
亦有藝者而殊寥寥驟聆其名頗使人動田園秋思也

初四日發棉花溪於睡中過大小金盆兩灘聞水車聲啞
啞與灘聲相亂頗足野趣入黔界以來處處多有之其制

鴻泥日錄

卷六

四

木爲轂竹爲輻轂兩端植木承之輻外端屈竹爲圓廓相
去一二尺編竹爲筏如筲筩距兩廓間以激水行輪輪入
水尺許於編竹間縛巨竹筩長於兩廓數寸筩斜介兩廓
一頭稍昂行旁則仰行上則平而出水輪內就岸植木庫
於輪一二尺其端剝橫木承水木兩端減輪上廓左右各
數寸橫木有孔當其腹承以剝竹或一竹二竹或數竹蜿
蜒相接短木爲架引流分灌此制非湍水不可行故常與
灘相上下已杪過焦溪與陸驛會民居頗整有樓可登是
日所過多灘山峻地偏水益小益湍灘益多益陡以溪名

者曰羅漢溪抱水溪龍跑溪潮水溪以灘名者曰柳灘教
化灘鷄蛋灘曰三王灘二王灘大王灘大王者以廟祀洞
庭王也曰三命灘二命灘一命灘言灘險當爲意外脩故
其諺曰人拚三條命方過三命灘過得大王灘船中獻酒
鐔蓋其可畏如此而板灘尤陡險過板灘後上灘之事畢
雖有二三小石灘皆不足數矣過車家灣望數十丈山巔
隱隱雉堞狀云是鎮遠府城垣然郡泊實不在山上阻山
爲險距橋爲塞不事城也橋下水力尤迅舟從橋下過其
險不減上灘時過橋已暮逆旅人以輿來迂遂下舟中裝
鴻泥日錄

卷六

五

就逆旅以居主人徐姓固陝人也

初五日在鎮遠橋來時舟人依依不忍別燭逆旅主人買
竹輿賃夫馬倉猝未可辦聞對岸鼓樂甚喧紆逕度橋往
觀之乃豫章人賽旌陽萬壽宮前殿祀關聖後祀許真君
與蕭公晏公像真君朝服秉圭不作道裝伶人作蜀漢顏
將軍斷頭不降雜劇恨優孟殊劣不足發揚精神意色

初六日在鎮遠逆旅人導遊中元洞洞在橋北循石磴盤
折而登磴外時時有短牆護人足故雖峻而不險有佛殿
額曰中山寺當山之半相好端慈鐙鑪闐寂可清塵夢有

祖師殿額曰五龍捧來祖師者玄天帝也又有像一龕在
遊廊間別爲殿作比丘像果脣月面貌跼蹙下意當是文
殊師利法王子簷宇疊複巖巖駝面而皆有竒境及至
洞中則窮岩周覆凹壁天成幽蘚生華石泉滴潤岩中普
陀大士莊嚴妙好慈悲具足瞻注久久使人六根皆淨矣
洞凡三門左竒而右耦入自左出自右出洞一逕別有巒
壑勝處興盡逕窮復歸洞下覺襟袖胸吻間都作烟霞氣
色較之遊懷山登大別別一興味也出洞循廊登小亭倚
欄小坐覽憇遊履亭下樹連蜷石間枝柯古雅亭楣有昔
鴻泥日錄

卷六

六

人兩詩牌仰而諷之流連未忍去涼颺拂拂山雨欲濕迺
相引歸逆旅逆旅有樓曰環翠樓與此山正相望凭眺亦
有勝趣旣遊而歸乃嘆兩日來不識廬山真面目政緣未
到此山中耳

初七日在鎮遠出遊衢市商肆頗夥土著者希郡治以河
爲垣隔河別有城乃鎮遠衛城自鎮臣以下凡武臣皆駐
衛城中城下瀕河地稍平坦足以較閱跨河爲木橋數十
步舟皆往來其下是日邑宰方舉童子試觀衢中衣冠與
筆就試者頗亦彬彬亦有苗民雍髮來與試蓋漸濡文教

深矣是日常德同泊北平張君亦至偕其同舟滇尉戴君
惠而顧我戴君爲吾邑懷谷明府之族弟言論頗洽是夕
雷雨偕作屋瓦有聲將曉乃已幸雨少不作泥潦

初八日在鎮遠與外父兆元叔同遊東山廟廟以近城東
得名城東門爲由常德來陸驛衝衢山泉從城外來由水
門過橋下穿衢中石橋作瀑流入河其聲訇然可謂谷鳴
山應也過此泉乃至廟門廟前奉玄帝玄帝殿後石磴數
級上建觀音大士殿龕左一像紗巾道服藹顏如春暝其
木主乃朱晦菴文公像敬禮而出昨覩中元洞中有紫陽

鴻泥日錄

卷六

七

書院碑碑無歲月始末今日瞻遺貌又無碑記不知何年
祀此亦一缺事從玄帝殿出左上登石級有石如獅鼻齒
皆具當逕而蹲其前有石鼓亦出天成正圓如毬可爲奇
物登數十級至文昌閣下閣凡三重下重闢聖帝中重文
昌帝上重爲斗柄魁神之像閣右長檐俯江蔬塍接杞竹
楊木几瀟洒宜人壁上時時有詩牒可讀足爲雲樹山房
生色凭闌把茗不覺情移矣文帝座下筮詩百絕皆集唐
句讀而悅之視晷西睨不及坐欽匆匆下山去是日滇鎮

雄牧馮君

各敬典
路八

奉親樞歸葬道此來相過存備談滇中

風尚旣歸余往報謁又歷告以作吏法戒諄摯可感謹書
之紳前年已遷黔司馬未任值外艱其人恂悞朴慤良吏
也

初九日在鎮遠從外父往報謁張君戴君戴君之婦翁十
年前曾爲師宗尉云往時民氣淳厚豐樂數載前經軍事
今彫罷矣戴君覓得浙酒一甌面相訂翼日共飲之旣歸
馮司馬來告辭行往送之河干再三語瀆事相勗爲循吏
乃解維去外父同兆元叔往遊王主廟土主不知何許人
金幘戎服座前巨鐵槌一二百觔其廟又祀關聖帝比肩
鴻泥日錄

卷六

八

一神類岳忠武趙順平不得其名別一像金容凝秀攻碑
記乃周元公濂溪先生昨廟祀紫陽此廟祀濂溪何郡中
禮教之醇也

初十日在鎮遠晨雨作霽望山色轉佳將午稍霽喚扁
舟渡河往遊青龍洞過水門石橋瀑泉拾級而登山下細
石爲路得雨滑不受履時虞顛躓將至洞則石磴盤盤稍
濶而澀畧能駐足矣洞下壁罅如巨猊磴出其右透迤斜
上爲觀音殿殿當山腰古樹繞闌皂筴垂垂可玩有兩樹
高數丈其花如蠟土人言是櫻桃樹也從殿左戶尋逕出

再上石磴磴當下殿之脊磴盡乃入洞中洞乃懸崖爰立
帝像崖前就山綴作簷楹可以俯眺似不如中元洞之幽
邃然大士佛乘淵微諦同面壁立帝秉權治世理取當陽
政自義各有當爾下山半有小廟一椽曰赫神廟入觀神
黑而髯幘頭袞玉赫者黑也旁坐兩像頤哲少年皆裹平
簷高頂簷笠制甚奇古左者笠後微露垂鬢類女子座前
四波斯奴皆騎虎牲血鬣之間導人亦弗知意者虎神也
旣倦而歸又往赴張君之招酒出戴饌出張治具豐潔勸
醉殷勤不覺竟醉同席胡君滇臨安人辛酉進士以國子
時舟行遇盜事始駭江湖之險

鴻泥日錄

卷六

九

學正待銓何君浙人居蜀久張君友也席間諸君各述來
十一日在鎮遠張君胡君戴君過余寓握別未及茗而行
晨飯已命從者往文昌閣錄錄詩余從外父部署行李畧
畢亦詣閣上督促之閣居山之最東南稍迤北爲青龍洞
再北爲中元洞兩洞中間瀕岸爲萬壽宮而青龍洞石磴
旁一磴北出屈曲而上爲觀音閣閣旁圓亭額曰小有書
圖正當萬壽宮上遙望岩洞亦復勝絕恨行色已匆不暇
窮探幽致悵然別去當留爲再遊時未了緣耳

十二日發鎮遠余與外父賃兩輿兆元叔不肯輿擇駟馬
乘之從者六人賃四馬以從出逆旅卽雨從者徒行衣履
皆濡濡出郭西度石橋橋左碑刻字右達石旣左達滇省
過橋行數里路濶三四尺皆細石戴土滑濶易躓數里外
步步陟高山纍石爲磴時平時歇時濶時狹人坐輿中時
偃時起昔所稱油榨關也自山趾至絕頂凡五里相傳武
侯所鑿頂上偪峻處木坊大書文德關左右題上達滇山
下通楚水旁書下至常德武陵縣一千一百三十一里上
至雲南昆明縣一千六百四十七里是爲黔路登險之始

鴻泥日錄

卷六

十

上關脊回望鎮遠城中西郡東衛如在掌上歷清鎮白羊
兩塘至相見坡三峯叠亘登而下下而登登而復下人立
中峯頂與前後兩峯人皆相見歷歷下瞰則深壑無底岸
不四尺僅通兩肩輿而已兩坡中間跨澗各有橋瀑聲洄
激動魄與灘聲不殊度三坡始稍平人馬皆疲至村市各
劉家店宿距郡纔三十里逆旅有老桂二本茂蔚可愛惜
未見其花時也

別鎮遠山水

兩月船傍楚山足看山眼慣嫌山俗灘聲斷續送征人

辭船便躡青山麓青山處處靈骨奇鬼斧雕劖洞巖腹
七日淹留六日遊拱揖山靈慰幽獨晨踏山屐訪山來
夕卧山樓對山宿凭闌一嘯碧天高岩影波光照銀燭
笠底猶留山上雲春衫飽惹山頭馥法音道氣不可名
使我濁骨清於玉灑灑澄江清見底數旬倚棹朋交熟
軀命應銘可護恩登臨况借清閤福山水依依盡有情
靈區日日清歡續便拚半載此遲留僕夫告我王程促
平生慷慨期叱馭敢謝馳驅戀岩谷買鞭買轡更南行
回首籃輿重躑躅徽國祠前江似帶文德關底峯如簇

鴻泥日錄

卷六

十一

亦知過眼盡鴻泥魂夢其如憶清淑二月春風放新燠
春山濃翠春江綠江山許訂再來綠登山還覓殘碑讀
十三日發劉家店數里即華嚴洞有坊題華嚴洞字入門
有閣奉二像比肩坐一冕一介胄與鎮遠土主廟同問僧
曰皆闕聖帝也引入洞中石垂垂如雲漿萬斛縷縷下滴
洞口二小石一肖龜一類象洞中深窈邃穆如在華嚴海
界觀音金像奉天成石龕中瞻禮已不覺生悲仰心僧言
洞深處以炬火入更有天成大土像石龍石獅須九月後
乃可入此時洞中春泉暗漲已不可度矣出洞登石級而

上有二尺許上帝閣旣衰且蕪小像亦壞又上爲文昌閣亦極草草僧以上帝文昌爲道家所奉而不知有大梵天王遊戲神通如來之象遂屑越如此金剛四相其謂之何洞外石碑正視平平且側睨則洞中人物刻字纖毫皆照云是三丰仙人遺跡也寺外兩峯拱侍亦有秀色觀洞內外題鐫甚多故不敢留詩出寺過乾溪塘至望城坡坡高峻隔山望見縣城故名坡近沙坪沙坪左顧爲諸葛洞灘河上沂阻此雖小舟不易上下前至施秉縣昔爲偏橋衛東郭外有大橋雄峻衢市甚盛民苗起墟熙熙然地多平

鴻泥日錄

卷六

十二

曠田塍穀錯多者數十畝少或三四尺亦爲一塍出南門登山行過兩塘至爛橋鋪宿逆旅樓臨河濱樓外桃花半放修竹叢桂又一風致

十四日發爛橋鋪二十里過飛雲巖洞未到洞前遙望四山古柏瓔珞鬚髯已使神志穆然到洞前石橋砥平從觀音閣下入拾級登崖崖上阿彌陀佛一龕從龕足右旋至巖下巖石懸溜翻翻作勢欲飛如風吹海立雲濤亂舞非普陀大士像不足莫斯靈勝也巖前兩小峯各有亭曰聖果曰滴翠滴翠亭左有瀑舊作漫流數年前中丞裴公疏

歸一壑正練長飛殷雷晝響界破青山更添勝致洞在巖
下迤華嚴之石色妙麗而幽宵過之人行處已泉滴淙淙
其洞後之洞亦如華嚴水不可入矣從舊路折而左下石
磴遊客寮前出月潭寺門回望岩前樹石一一皆目所未
覩生平遊屐此真不虛萬里奇邁也過洞卽東坡塘子瞻
似未曾到此當非以蘇公名前數里有橋上接飛瀑題曰
玉峽飛虹亦可怡悅又過橋曰平龍橋下峻坡至黃平州
城出城又上峻坡綿綿十數里望羣峯皆在足底對面一
山曰金鳳山前峯如首如翼中如背後有林樹如尾傳有
女仙名金鳳學道於此仙去觀其谿山縈抱故是靈區相
望一山曰銀鳳殊遜此山暮至重安江不及渡遂宿逆旅

鴻泥日錄卷七

十五日發重安江出逆旅卽江潯江水深不可測巨絙橫江維岸石上石刻字禁船人取渡錢船人甚馴謹拏舟引絙而濟爲南來第一佳渡矣江碧如黛別作一種奇色沿江行觀水石湍激覺灘行風景尙在目前行數里上一坡坡頂一祠祀太上卽名曰老君關雖民居不過十餘家而山盤谷折幽林嘉樹左縈右帶起伏紆抱於一路童山中自然秀發度闊漸平又陟一坡是爲觀音坡與老君關形勝畧相似又前一塘狀亦如之名羅仲塘意當近羅羅種

鴻泥日錄

卷七

狝家種矣遇黔兵移駐銅仁者戈甲旌旆甚壯令人神王午至大風洞卽雲谿洞也本呼大空訛今名洞門外兩山畧作環抱勢洞深廣數倍華嚴飛雲兩洞石骨甚蒼鬱中奉大士像一軀僧獻火請東炬遊後洞云從此行刻許可達後山多勝境奇蹟以輿人待亟不暇往出洞循石逕登麓又穿入山腹一洞石溜滴履處皆如泉流攝齊而升禮三世佛與觀音梵相右望閣外小逕薜滑不可下尋左逕由曩洞中出此洞嵌空雄峻途中所見無兩華嚴以窳穉勝飛雲以奇妙勝此顧以疎朴勝若得佳衲爲山雲灑掃

畧開生面亦可稱一名岫也再數里山村各小風洞洞中
泉活活出不能入觀望左右羣山頂皆亂石嶄崿都無佳
色及至目前一一觀之乃時有奇趣矣將暮抵清平縣城
市人家亦可觀出城數里土山平坦多可耕耨上坡亦不
甚峻至五里橋宿新陰漠漠疎雨漸作宵眠爲之不適

十六日發五里橋霖霖未已塗中山山相次石磴斷續石
得雨旣苦滑石或戴土多泥少沙泥更滑於石又余買鎮
遠逆旅人舊輿輿重倍常輿是日所經路又陡絕登降步
步皆惴觀輿人蹙蹙淖中時蹶時趨且駭且憐且愧之也

鴻泥日錄

卷七

二

過臘梅塘實無梅不知何年得此名前至白泥塘山頂泉
生漑稻田數十頃人烟瀟散有致將到此塘迤邐漸高左
右山無寸土槩攢笏插狡蹲豹攫鑿兩山間爲逕寬纔三
四尺題坊曰石關塘名不虛得白泥塘前卽楊老塘重山
隆起踏泥數十仞而登又踏泥數十仞而降是爲楊老坎
雨後險不可狀塘在此坎下街廛修飭爲往來憇息地憇
刻許登輿又陟高山險與前坎政等問其名故是楊老坎
也下坎稍平俄又達山前跋履旣疲從者頓躓相望兆元
叔舍騎而趨仆於淖中衣履盡泥乃悔不聽余言乘輿將

暮至阿里塘曳名也過塘爲馬厰坪屬平越地平越故爲郡四五年前改州驛路故由郡治今路距治百里而近矣入宿逆旅爇薪燎衣裝夜分乃寢

十七日發馬厰坪雨時時如散絲路溼如昨數里過響琴峽兩山相對距六七丈阻溪不可渡紆而左折步步下趨坂底一里許至平地乃得木橋溪源懸瀑去橋數丈流韻激越在琴中當是霹靂引也過橋又步步上坂踏泥行過黃花塘至酉陽驛塘俗呼柳楊音誤耳酉陽在勝國爲阨險重地今地無苗穴如履坦途前十里至黃絲舖爲憇息

鴻泥日錄

卷七

三

所時方趁場市上人滿民苗憧憧雨又未已少憇即登輿去舊傳黃絲爲桑濮地觀其衢陌頗亦醇樸知今昔聲教固殊矣過村登大坡名湖廣坡又前名黃絲坡再前大坡名江西坡三坡皆峻不雨已苦頓步今膠淖沒踝苦可知也下坡稍就平衍憇冷溪塘刻許溪兩源從左右山出各數十屈曲會於塘下會處經石礪九折而下層層皆作玉色金聲流爲長溪循驛路下時遠時近清音盈耳足浣塵襟暮色漸蒼宿沙坪逆旅枕卧溪聲牖延山色夢味頗恬主人江右熊姓其子爲諸生衣冠出謁恂恂有禮旣入夜

雷雨驟至徹曉始稍息

過泠溪

擘破青蒼石髓深瓏玲
猷作玉龍吟憑將一派冰清味
洗盡人間火熱心
遊客自添塵外賞
泉流常帶古來音
名山應種三生果

帝遣南來萬里尋

靈雨春滋玉液肥
奔流濺沫濕行衣
分將山勢開明鏡
養得雲光上翠微
大好畫圖看不厭
等閑鴛鴦浴應稀
臨深小駐羊腸馭
賸取蘭香滿袖歸

死日錄

卷七

四

十八日發沙坪出逆旅雨稍息既行里許雨乃大作坐輿
中斜風吹雨衣盡濕四山流泉挾雨怒飛聲色並壯地偏
山間迸注一溪溪經過十七八折渡而左俄渡而右地故
不設橋皆絕流躡石而渡潦溢湍激石竝在水中深則厲
淺則揭人皆病矣至岩頭橋水始從橋下去至貴定縣城
市不甚壯小憇而過陔高岡爲馬顙衝前過乾溪塘至牟
珠洞下俗呼母猪洞聞中有岩漿滴成大士像又石磬扣
之有聲岩如龍虎雲物昔人所稱憑虛洞也以雨意方濃
不及入觀但觀岩下泉出如甕鳴如驚雷可喜可愕亦足

畧志崖概傳此水從岩頭泉來伏流山洞中三四里乃出此冬濯其源殆如溫泉固一勝地也前過甕城橋石橋坦平平波浩浩卽洞水之下游塘上題字曰甕水安瀾當謂水源如甕口耳暮宿新安以病涉故犒輿夫休從者

岩頭橋觀羣瀑

一夜泉鳴萬瀑奔鞭雷歎雪見山尊岩前練掛雲翻影
峽上龍飛玉界痕千疊林巒雙眼興三春雨露九霄恩
行人莫惜衣裳濕竒觀分明似禹門

十九日發新安塘至古佛洞洞前爲立帝官洞外亦無樹

鴻泥日錄

卷七

五

石映帶當洞門供佛一龕後爲彌勒布袋像虎伏於側前有石像甚竒古乃世尊雪山六年麻麥像也洞石滑滴漉地幾不可履攝衣入探深處昏窅難進亦狹不能進側耳石壁中似有井深數丈良久聞石漿一滴落井聲琤然雅有靈氣往來過洞爲龍從坡極高今書作爲龍從塘近塘高坡爲雲頂關今呼作銀頂關無隘阻人家多屠狗者懸鉤粥之入望頗爲心怵地屬龍里未至城從對面坡上望城市衢陌如指掌城旣偪狹烟竈益寥寥但見麥田蒲眼而已過城至水橋小憩塘題字云德水汪洋意當名德

水橋耳遙望一山葱蔥可觀漸近則觀音山也入黔來杉
多松少獨此山萬松高下倚石臨壑清飈謾謾喬柯竦秀
皆作鸞翔佳致過此又多童山矣前爲高寨塘實無寨再
前岩關口亦無關路左有黑神廟神與鎮遠赫神像政同
惟一像孤坐無左右配像廟中筵筓甚具無守廟僧尋攷
碑記乃知神爲唐南將軍霽雲也千古忠烈廟食固宜不
識何以獨顯於黔又經數山輿人指岩畔一石云是銅鼓
石望之亦不甚肖暮宿谷脚塘山溪環抱故得斯名是夜
暴雨大注霹靂駭人衣服冠而坐不能交睫居人云黔地
鴻泥日錄

卷七

六

固多雷雨也

古佛洞

山氣晝森森泉滌石壁陰洞幽紅日遠僧少白雲深淨
入華嚴海空忝般若心莫留塵屐浣寂歷闕靈岑

二十日發谷脚塘數里登坡頂路傍疊石數尺夾峙當隘
似舊關今廢輿人名之梨兒關黔產梨固不甚佳此山亦
無梨也過黃泥哨塘至圖寧關關上坊題曰志傳此關名
油榨關中丞某公重修改今名取向書思艱圖易民乃寧
義所記恐有誤余所見康熙間滇程紀凡兩本一本言出

鎮遠陂油榨關一本乃作油榨字亦系鎮遠程下非貴陽
名也關上峯石秀拔倚峯建觀音閣登眺絕佳閣前一殿
祀闕聖帝額聯殊多佳者廟外亭額曰可憇亭樹石蕭森
足息羈勞自是會城勝地將至會城溪流滂湍溪中石色
如雄黃水齧石而下亦作石色數千里中未見其儷真奇
水也對城高山爲照壁山林巒祠宇望之佳色可挹傳上
有石鏡方丈餘可鑿人毛髮未遑往觀驛路從東來紆而
南至南郭外憇石橋上北望二里外復有一橋橋上樓題
曰甲秀樓環顧千山縈障一水中分山川佳勝畧盡目中
鵝泥曰錄

卷七

七

矣入南門循衢而北出北門折而西衢中市肆雄麗涂巷
端直良足統馭全黔鎮綏苗种於萬山之中開闢形勝建
侯設險有由然也城中忠烈廟甚偉峻未知何祀城門下
石皆滴潤滿地亦是一奇至水西門內宿逆旅楊氏園江
右人所居有樓登之望見半城風景入夜風雷又作不減
疇昔之夜

二十一日發貴陽出城數里回首東來山漸減崔嵬遥峯
可數過三橋見瀑流從石叢中飛迸亂舞而下滙歸橋底
成巨流卽會城南甲秀樓前水也瀑勢隨山勢爲高下距

地遠者或至一二十丈從坡下遙觀似兩峽間漏銀堆玉如邱如阜漸聞水聲水中石層層龍拏虎踞水逾陡逾猛較一月來上灘風景聲色尤奇興行望水乍離乍合覺胸次又添一種壯觀矣水盡達坡頂爲阿江塘塘卒鳴礮相逐索猶乃去又過數坡不甚峻過湯圪塘以煮糯圓得名望之不甚佳塘上民皆粥刀劍匕首爲業羅列滿衢地偏苗穴似亦非宜是日啓行已巳杪輿人不時至及至龍場裁未申之交遂宿逆旅龍場故名狗場居人諱之三四年來易今名大書揭市門然行人呼狗場如故是日遇十夫

鴻泥日錄

卷七

八

昇奇石佳甚

三橋觀瀑流入河因憶灘行

到黔山水絕一望一生新瀑勢疑天上灘聲似故人登
高此極目在險幾勞神萬事殊今昨難忘舊苦辛

二十二日發龍場前宿沙坪時行頗匆匆外父所佩烏斯藏佛像遺逆旅中至新安乃覺亟走從者王昇求之三日未返殊縈夢思是日將發乃以像至逆旅如拜鄆謹之田喜可知也出門山勢似漸開敞而火森秀至一小山林泉廬舍頗清潤是爲高樹塘又前過黑泥塘土人亦粥器

皆錐剪鉗鋌之屬與夫草屨銀鐵作馬亦取給於此稍前
至清鎮縣不入城徑南郭而西郭郭殊完固郭東偏方枕
山構炎帝宮林巒茂美形勝絕佳中衢有楚人所祀廟額
曰三楚宮廟制宏麗頗訝名之不典縣西有滴澄塘塘有
河澗汗而湍舊本名之曰的澄河輿人言建此橋時醮貴
有羸衆鑄金銀土地神像兩軀廟祀橋側後皆爲盜攘去
慢藏之誠灼然不爽前過長寧塘時高時平至蘆荻哨塘
宿此地回望萬山皆隱僅露峯尖綽約有畫趣對村一山
有穴居人歲繩人潔治穴中木石莖穢如一歲失治則里
鴻泥日錄

卷七

九

多桑中行宇宙怪事固自何所不有
二十三日發蘆荻哨五里即龍井塘塘後有井即名龍井
居人汲以供爨都無靈異遙望高山高處人家如簇問名
曰鴨蛋塘及觀塘坊乃題堯且塘鄉雲糺縵義取觀美然
轉鴨作堯殊亦未可前過界首五馬兩塘從坡上下地平
始見安平縣治此地百年前爲平壩衛以地平衍得名日
來處處看山多傍馬頭人面峯巒屏障殊難了了至此豁
開奧區遙相縈抱稻泉千頃山峒百盤近列平岡瀾延連
蹇丹崖萬尺燦奪朝霞岡外遠岫參差畧出頭角空翠欲

滴清漉撩人如赤瑪瑙盤堆千顆螺子黛真竒絕畫手也
縣城枕絡兩山之間結構完密過城又復曠廓五里至黑
石頭山粥食者露居無宇舍客不可憇惟輿夫輩便之士
山竦起半嶺皆童至十仞以上則石骨騫拔萬樹如毛山
頂有寺頗似可遊眺惜綫路蟠側望而氣懾其前爲沙作
塘又前爲飯籠塘觀坊題字忽憶大藏經吉學道之士不
斷邪慾如搏沙作飯雖歷多劫祇名熟沙終不成飯也沙
作塘聞昔有喜客泉人過有聲則泡起無由訪之暮至石
板房宿地出白石作片垣基屋瓦皆以石板代望之如雪
鴻泥日錄

卷七

十

其南有獅子山靈官廟以風大不克遊竟夜怒號不息從
者皆有寒色北土傳南來皆常暄殊不爾也是日始復見
逆旅有題壁詩亦不暇和之

安平觀山色大佳

松岩泉韻稻畦風北顧雲烟一逕通踏遍好山渾未覺
朝來乍入畫圖中

赤瑛盤涌翠芙蓉雨霧晴霞一萬重頰首羣山齊下拜
方知行度最高峯

李白桃紅萬樹開肩輿面面度香來依山傍水無亭沼

一樣東皇雨露裁

碧草春濃色斬新浮嵐翠滴碧於春山靈笑共行人語
着箇茅亭更可人

二十四日發石板房以安順府固有權關當以手版告於
太守乃使從者先往昨過貴陽時亦如是出逆旅數里過
水橋水聲可聽行人呼大橋以別龍里水橋耳又數里爲
中伙塘橋與塘皆有民居民居皆用石與昨宿處無少異
前過阿若塘塘以夷名義不可曉兩日來路皆平易近中
伙塘遙望石路漸出高嶺比至則兩山壁立線路僅通與

鴻泥日錄

卷七

十一

清平石關之隘相埒差覺小庫人呼爲楊家關亦一要衝
也下坡又漸平山時離時合山間田時濶時狹時平時歌
歷落如鋪綠錦鬪故自可悅過羅德塘見路左依山構寺
題石佛寺不臨道側舊聞此有飛來石佛未審是此否亦
未暇往觀再前數里即安順府治近城山川開朗又濶於
安平縣其風景大率相似城中蕃庶街市端整可爲巖疆
雄鎮惟不及貴陽耳是日值場期苗民趁貿肩踵相望衣
飾種種殊不能盡名惟識着錦紋布者爲花苗裹頭如道
士巾者爲龍家而已衢中物產充牣慈菇薯蕷頗觸鄉思

西門有祝釐地額萬壽宮與旌陽廟同衢同額殊似未愜
左爲關聖帝廟入觀懸聯有關禡法之稱雖義不能曉而
頗似非體亦未愜也是夜微雨浙瀝達曉而止

二十五日發安順府以程促不及謁守而行十餘里有塘
爲楊家橋塘與昨關同號不知爲何許人也前過馬場塘
地狹無芻牧地名亦不相稱當衢有小城非縣非衛非關
是爲腰鋪城城雖小而完足爲鎮鑰惜人居未殷庶耳入
黔山千峯萬岫殊態異狀極大極小極平極險極潤極枯
極秀極醜極渾極峭無所不備兩日來山漸踈特皆平地

鴻泥日錄

卷七

十二

突起圓峯層層圓圍盤暈迤遲漸高漸削望之真如聚螺
雖石骨巉露頗乏潤色要自別成一種氣象千嶂星羅一
一相肖非觀此不足徵造物橐籥之大也過大山崖兩山
對峙尤峻拔又前至龍井塘乃巨泉出石洞中洞石幽秀
大類華嚴洞泉從洞背流注山溪居民賴之十餘里至鎮
寧州市陌不甚堆形勝嚴整入逆旅在未申間出遊衢左

禮萬壽宮見演劇者

吳寧州志卷之五

二十六日發鎮寧州州北門外對山山有廟南門外對山
山有塔南來希見峻塔僅此城有之與當衢奎樓相望也

出城山勢漸偏漸峻十里至安莊坡憑高西望近山千峯
尙約畧可數遠山則一帶橫空巒嶂都不可辨識萬尖攢
黛相低昂者不能以尺咫平直若中繩墨宛然天成千里
翠屏良爲曩所未覩行十餘里聞水聲如雷則距白水河
四五里矣泉從山崖下注滄若素雲濶殆二三丈冰簾萬
道歎玉十尋望之目眩到崖耳作風雲雷雨聲人語不相
聞泉瀑流激蕩凡十餘折惟出崖並落澗處兩懸岸陡陷
尤足開盪人胸目舊有題曰雪浪川霞相傳中有水犀穴
潛真宇內絕竒水也泉上昔有寺有亭前數歲狝家苗犯
鴻泥日錄

卷七

十三

順皆燬於兵燹其村名黃菓樹村亦殘毀頗衆今輯寧矣
過村有二路舊路由關索嶺趨永寧州尤陡險今路改出
其右登高坡出衆山脊間過燕子崖岩勢空峻石色殊竒
再前過繁花塘桃李梨棠依坡緣谷頗稱其名前至坡貢
塘宿微陰不雨入夜見星衆相慶也

雪浪川霞瀑布

犀龍夜吸西江起挂作白河橋上水飛雲雪捲一千尋
激雨雷驚三十里斷崖橫掣水精簾蛟宮迸落青山髓
山川陶鑄出雄竒神物恍惚動俶詭箏笛俗韻那可論

並洗人間琴筑耳生平尋勝氣自豪宇宙竒觀歎觀止
石巖竹樹俱秀絕春雨輕陰况清美不因捧檄孤烟霞
便結團焦住山趾

二十七日發坡貢塘與人夙告是日坡峻險不易行乃加
賃二夫以恤况瘁出村數里路頗平夷危樓隱山平橋紫
澗瀑流清響竹樹鬱然頗適覽眺山間稻塍相次如七如
扇如水波如冰垢獨一塍當衆畦中團圞端正正圓如月
其中心復有圓穴如甕與人言此呼月亮田水從山出注
田常滿中心穴高於田數寸深不可極如水潦溢則從此

鴻泥日錄

卷七

十四

穴洩入地中雖僅周數畝可謂寶田也行十里到鳳皇關
下高嶺挿空際扶掖而升山形畧作鳳翥勢卽名鳳皇山
過高頂下數十丈又陟一坡名張家灣坡坡下人家樹石
亦有野趣過此坡頂又下又上如前狀是爲石龍關坡頂
鑿石如門旣險且滑余與外父從半嶺舍輿循磴徒行不
百級喘汗相屬矣岩上紫花絕肖蘭試採一枝與夫見之
競斷其根斯須而盡言根能療跛疝卽白及花也三坡中
間有塘題可哮塘問與人言地昔有孝子姓丁其書加口
者意更恐仕客憎其近丁艱語故改書若夷言然然殊可

笑嘆矣三坡既盡前路漸坦兩山相對如衛中間衡距數里縱距二十餘里過阿樂及餘糧保兩塘至卽岱城皆坦途苗漢雜居民氣淳熙卽岱爲郡司馬分駐地前年苗未靖時數十里民及良苗皆入保此形勢嚴整民戶殷殖過城而西至西郭逆旅宿戶外卽旌陽宮方修醮事誼聲半夜乃息

二十八日發卽岱城夙知是日當過拉邦坡爲黔行各險上下相戒出門數里回顧卽岱已如在几席下自此步步漸高左右盤折十里至一坡頂爲打鐵關塘人家寥寥輿

鴻泥日錄

卷七

十五

夫停輿小憩喘息纔屬再登逾高逾險陞石多曉樵不納履又多脫損未繕治山泉滴溢道上泥滑沒鞋晨陰未霽望山腰以上白雲一抹一無所覩雨意油然衆多蹙額相向恐或春霖傾注則跬步難行兼虞意外俄而雲氣稍斂山色漸可觀已達拉邦塘下復憇良久神猶未定頃過打鐵關塘後石壁陡峭絕竒余徒步繞其趾環觀之空蒼雅潤自是各岫又上數里輿人告瘁乃在拉邦坡頂左顧當輿有山尙高數十丈石色巉露無尺土寸卉如包孝肅海忠介一流冷面向人都不作絲毫欵洽意而廉鍔峻潔自

是泰山巖巖氣象右顧當缺處眼底一山石皆戴土磊磊
九十九峯如江水橫鋪洪濤千疊勢挾飛動昂首前望則
雲深處約畧翠屏一帶晤對眉宇乃三日後所過老鷹崖
也俯瞰山底澗泉縈洄嶺路百盤澗上行人如豆馬牛如
雛鼠始覺山川之大天宇之濶既過坡頂漸下漸覺曩山
浸高一望巖底深不可測磴路蜿蜒一綫時時與絕壑爲
隣拉邦塘當下坡之半上既絕艱下亦不易半嶺有溪屈
曲如龍行土人呼爲火龍三灣其山卽呼火龍山過者皆
作暴熱或至袒而揮箠其磴道陡絕處二三丈名朝天一
處牧所司也

鴻泥日錄

卷七

十六

過拉邦坡

歎語憑誰譯拉邦登高指顧勢無雙馬頭畫意雙眸濶
蟻垤雲容四面降拱手千關蹲虎豹側身萬岫拜旌幢
鷓鴣莫喚行人住化雨春和洗瘴江

二十九日發毛口出村西行數里至毛口河渡北岸一大
樹花如辛夷色正殷赤有花無葉望之如珊瑚火齊目所

未見輿夫云是攀枝花又名紅玉蘭疑卽木棉花也河不
甚濶相傳有瘴毒渡船無櫂無檣祇一竹篙如拇指絕流
而濟至南岸折而東數里乃與昨宿處正相值南岸一樹
不識其名根皆蟠露似虬龍攫拏狀飛動堪畫又數里至
阿都田稍息路旁仙人掌甚竒古此草固是竒卉茲尤
竒之竒者阿都田屬安南縣驛其宰爲余同年生魏君到
驛訪之方攝鎮寧牧事昨過鎮寧時不知也失一良晤可
爲悵然過此爲那貢塘爲茶亭爲安黑塘乍登乍降坡皆
陡而欹仄坐輿中肢體皆委頓與人勞可知己山多童童
鴻泥目錄

卷七

十七

不足以舒倦眸忽覩巒開曲折花木可觀則已抵花貢塘
下遂宿逆旅問主人知斯地有鉛鑛時方涉訟牧令皆來
勸宿衝中礦固藏姦所又屋皆傍山夜屢做寐

鴻泥日錄卷八

三月初一日發花貢出門迤邐而高望前山蹊徑皆由半嶺斜上至巔至山外遙山又復斷續縷屬徑入雲烟去與人從鎮遠來率十里一息肩此三日中皆五里一息猶次且不能前馬瘡僕痛逾宿昔矣初行五里至花市塘非第無市亦無花頗不足觀過了寨塘十里爲半坡塘與人憩而飯塘下故多民居多燬於苗今極寥寥由此努力登山巔爲老鷹卡上卡乃名老鷹崖一峯側立畧類鷹跼實不似也過崖稍下又升坡爲小鷹崖尤不作鷹狀再下再升

鴻泥日錄

卷八

一

爲白沙地坡三坡峻極相等而老鷹俯衆山故崖勢尊小鷹白沙近距高峯故不覺崔嵬逾尋常然峭拔極矣下白沙塘稍平憇官舍外館人致茗甚恭犒以錢固辭不受此亦廝隸所難是日所過山率乏潤色萬石如鱗入眼嶄嶄但見山威未覩山致迨過舍基塘漸近平地路漸坦心漸舒景色亦漸清和矣暮宿確子窰實無陶者宵聞樓牕外山趾鬼嘯衆犬環吠徹夜晨問主人云自遭苗亂後時時有之習不爲異

沒瘴江熱不可耐明日行山間亦如之卽瘴癘也

渡水臨遙岑人傳瘴癘深馳驅經萬里臨履重千金賈
誼嫌成賦王尊許誓心浩然無謬巧霧露任相侵

老鷹崖

曾是宣和畫裡身解條飛上碧嶙峋羽毛何用矜奇俊
山水居然見智仁險峻騫騰憑白眼高留名字照蒼旻
岩前鳩鵲休相避翬距全銷好共親

初二日發礮子窰出村即覺風景清和山溪曲折漸見崖
頭礮際處處有松殊添秀色過貴陽來惟龍里觀音山有

松千株他山絕無僅有而已至此則遠峯近岫蒼鬱相望

鴻泥日錄

卷八

二

一山尤森密天矯喬柯短樹各具畫法間以杉檜桧栝幽
草踈篁萬綠中隱約一寺路側揭額題字曰彷彿靈岩則
松歸山寺也俗以三月一二三日啟寺路上男女老稚炷
香瞻禮者甚衆不及入拜循坡路宛轉南去過中寨上寨
塘至庚戌橋橋爲雍正庚戌鄂西林相公督南服時所建
橋下水上通茅口下達盤江峻壁巉立激流雷殷橋石甃
宏壯樹碣刻記以告不朽視渡盤江鐵索橋平險天壤矣
過橋登坡各南京坡其塘各南車塘或京爲車音之誤未
可知坡上碎石如礫履之易蹶山高而頑了無足觀其險

乃甚於所過諸峻坡幸無雨淖耳下坡到楊松塘宿近塘
諸山亦復多松溪流映帶夾渡皆楊柳秀致宜人地號楊
松當以此故

過庚戌橋登高處作

絕壑江聲雜雨聲萬峯高頂小輿行經過風浪心方定
看遍雲山眼倍清奇句何人驚碧落蒼烟極目是神京
遙天春色同如海桃李花開正滿城

登坡頂

圍井疑天小巒開知地高千林異風雨萬岫偃雲濤瘴
暑侵春扇嵐陰動絮袍歸將誇故舊遊興易爲豪

鴻泥目錄

卷八

三

初三日發楊松昨暮雷雨暴作雨而晴晴而又雨徹夜滴
瀝晨起雲開日霽幸不沾衣衢中已淨不可步至陡坡蹋
石則險逾十倍輿夫時作頓躓輿輒多箝雖僅獲無恙已
神爲之疲行數里過村曰舊寨塘舊有土官寨設此故名
再前登坡下至坡底有橋爲豬場河黔俗以支辰名場此
地以亥日市遂呼豬場與龍狗場例同前過陸官塘至劉
官屯爲一大村可憇過村有塘曰大山了塘揭額曰雲坡
一線其前一塘大山凹塘兩塘中間十餘里山童地偏了

無佳色惟從大山了缺處東望則黔山一帶如翠屏拱列
與安莊坡頂西望山色相似至大山凹缺處西望黔滇山
色亦如之差足慰眼將近塘下村始見樹影溪光人家掩
映土人呼爲兩頭河村右繞村有河二里許源出於村東
伏流入於村西故得斯號入逆旅宿正枕河上流聲洶涌
甫解裘墨雲驟來風霆迅怒雹落如橡屋瓦皆裂沾牀洒
席室中人動色喪魄殆失七箸非尋常所覩也雹雖已雨
猶竟夜雨聲雷聲風聲雪聲河聲樹聲訇訇不可辨寐不
交睫辨色而起

鴻泥日錄

卷八

四

初四日發大山凹塘泥淖萬狀過馮家庄塘至海子舖始
與關索嶺路合其前爲大山坡坡石滑仄加之雨如豨膏
一步一息艱阻爲陸行來之最是日值清明節人家上冢
者束紙揭竿末植墓上彌山如雪望之悽怛人心午至月
亮崖山上白石如月聞昔有光照山下數家中庭宵明後
鑿路蜿蜒達崖下觀之石光遂隱居人以爲路肖蜈蚣蝕月
故於路端鑿石爲雞用以厭勝今雞尙存山前卽蛾螂舖
蛾螂者蚌蛤也山坳陰翳有勝致過舖廟下有河流奔注
兩岸夾束入石根洞去如雷如雪倚岸柳觀聽移刻頗洗

塵容觀岸上神廟題聯似是名蒼河也廟多旅櫬塵埋可
閱前至亦資孔驛殷庶平做足爲皇華善地宿逆旅問主
人言其對宇旅舍中新喪客費數百金弋盜未獲雖余囊
無贏羨亦不免爲青甌警夜

清明日山上遙望先壠

清明雨過章芊繚麥飯家家拜墓田回首松楸依北斗
驚心嶺嶠隔南天十年已恨孤雛黍萬里空教憶豆邊
寄語采繁休草草有人淚灑暮山烟

初五日發亦資孔驛昨晨雨息後仍作浮陰朝來方見霽

鴻泥日錄

卷八

五

色遠山丹紫烘日生烟爛如霞起路傍崖上藤蔓蒙蘿不
可辨惟覩一種葉大於掌深翠厚澤日射葉上光灼灼耀
眼如聚星亦佳色也過魯尾塘有坡多土少石俗呼香油
坡謂得雨卽滑膩如油幸昨雨未竟日否者憊矣坡前磴
洞塘山有崖亦名燕子崖石色可觀石勢低俯羣鴉所宅
實無燕子又前望山凹村落隱現有圓閣亭亭林外旣至
則平曩所也爲黔境極南過此數里卽入滇境路上山多
赤土戴石坡勢稍平衢上有滇南勝境坊其西有彩徹雲
衢坊二坊之間衢右爲闕聖宮後殿祀大士傍有十二圓

覺像庭中木蘭花二本甚盛又沙棠花開滿樹清妍可喜
對廟爲石虬亭以地上石如二龍相背北者首尾北環名
爲黔龍南者首尾南環名曰滇龍實亦不甚肖庭中亦有
木蘭二本土人以色膚類茄呼曰茄蘭亦呼紫玉蘭其傍
黃楊木瓜瑞香牡丹皆可翫石均碧草數叢則玉簪抽筍
葦草含苞種種家園景色不覺忻然遇故也過此坊仍崎
嶇衆山間喜石少不甚坭趾過永安塘及真觀塘至平彝
縣宿縣家落而瘖以爲入滇首程往謁其宰張公俄來報
謁坐寓樓譚移晷而別人夜雷雨又至風號駭躑樓有瓦
鴻泥日錄

卷八

六

而不甃風從四面來凜然砭肌不可以寐
初六日發平彝縣出城寒甚五里至清溪洞洞在山半坡
路上駐輿入觀深不可極後洞不似飛雲華嚴之多水可
以束炬往窺石牀几龍象之勝以寒不可復耐遂已祇循
觀前洞諸巖石骨竒麗兄飛雲弟華嚴也洞中石柱撐撐
偉麗天成其中幽窅有孚佑帝立像一軀稍前嚮明處彌
勒像一龕龕前帝像五軀中坐者爲

吳天上帝列坐乃天地水三官與火帝也並稱四官與先天
卦位天地定位水火不相射義稍有合可以廢康成燥怒

招矩之號但

上帝非可列坐耳石洞立帝像端嚴肅穆其前一僧龕居右
則此洞始開山者他岩端壁上爲彌陀大士諸仙聖像凡
數十像皆端好真一跌坐息心妙境所勝在真色清微不
在人工點綴也出洞門繞山腹尺路行於數十步外望見
崖下泉從地中沸起流而爲溪溪水繞山縈柳景佳趣逸
惟流不甚清正類黃河水色前過揚威及山栗菓兩塘觀
道傍凉水井爲炎暘所賴井上樹極古茂此地居人攜鐮
掘地覓盃花日有所獲盃花類石黑瑩成片粥爲陶甃家
鴻泥日錄

卷八

七

晒

過清溪洞遊憇因憶黔來諸勝

昨過華嚴洞下時山靈苦邀我題詩僕夫迫促吟不就
卻被山靈大笑之生平浪誇登山屐脚未萬里終童癡
到此局促無贈答過眼何以酬幽竒一從別來二十驛
扶輿靈竅疏千支一到一新一度好佳處總堪十日思

華嚴海禮天人師溶溶萬斛雲漿垂靈骨跨門吞象龜
陰穴路絕春泉滋巖影天光交參差神彩亂入仙人碑
飛雲天成轉陸離正練風雷掛龍坡山髓縫空翻葳蕤
海濤倒捲天風吹兩亭秀絕平不歇幽洞元氣滴淋漓
月潭寺外千歲枝六月寒生暑不知行過雲谿隔中逵
芒屨蹋石攀葛茨下洞窈深巔洞危石乳沾袖珠纍纍
循逕躡險捫蹲罷回頭小閣雲生楣逼遊三洞清人肌
半供怡悅半尚遺造化慳閱惜窮追留餉異日重來期
岩泉迸落霹靂馳憑虛洞外踏雨遲稽首髣像普門慈

鳴泥日錄

卷八

八

未搜山骨得其皮今朝行過清溪路春陰寒粟凌晨颺
籃輿暫覓一炊暇入門瞻禮生渴悲神嶽靈腑含空潤
鬼工玉斧鏤肝脾左盤右紆天根露大孕龍象小茵芝
雲旂翻翻攫虬螭

高穹臨陞百靈隨慈氏滿月光生眉當來授記蘇羣虫左
眄普陀妙好姿天半鸚語調笙簧寶蓮萬葉白玉脂寶
航當津渡者誰靈祇披髮蕭朝儀黑衣巨劍東坡詞蓬
島仙人骨歛萼秀髯翩翩披丹頤方瞳瑩碧顏嬰兒指
揮玉塵春熙熙相好一一難具說但使襟抱足懽怡人

生作吏自不惡搥檄飽借遊山賞尋幽頓令影亦好入
山真覺俗可醫何時功就離塵羈重訪清溪靈泉湄借
僧團蒲坐面壁烟霞吞吐無渴饑

初七日發白水驛曉作輕陰嫩寒可耐路卽崎嶇漸行轉
甚土山嶢嶢石亦龕澀彌望不覩林巒爽秀處山不甚高
峻其疲頓亦復不下黔山也過數塘至分水嶺始覺木石
小有潤致路右一阜巨石駢纍非峯非岫態狀肌理並皆
竒朴簾糾葛晉繁英繽紛若移著園亭中殊爲勝友行數
里從山缺處望見山外丹山層層可畫平波千頃如明鏡
鴻泥日錄 卷八 九

開奩若斷若連都似在巘巘巖腹古言挾山超海此乃類
挾海超山矣山溪石橋跨厓橋左右石理水勢皆可觀路
轉峯開豁然平曠洪流南滙遠岫北縈中間萬頃腴田菜
菡菘綠新秔偃水宿麥抽苞謳唱犁鋤處處田園含哺氣
色憶楚豫以北有田疇而無山水楚黔南下富山水而乏
平疇到此心眼暢樂殊繫流連矣輿夫多居斯土各欲省
父母妻子故是日例止四十五里宿霑益州入逆旅雨乃
大作亦幸不在途中也州於滇境稱殷庶地地有權屬曲

初八日發霑益州南門外風景不減東來佳勝登輿一望
良苗夾路地盡波連山色政佳俄而白霧彌山僅辨咫尺
畦塍村落都從夢寐中別去旣行一二十里天宇始開已
入斷山複嶺間矣又行數里將至三岔塘地勢稍復坦闊
田畝耕耨亦有豐樂風景村頗蕃衍其東有隙地數里每
大府按閱曲尋則校士於此過塘爲麪店舖其前爲茶亭
過村落街左有石龍口出泉如綫供一村汲構亭覆之稍
憩至響水舖地產石燕彌野輿夫多采之云療心胃疾又
摹婦手把雌雄各一枚卽先生如達雌者平潤無紋路雄
者紋如瓦壘子憶古方石燕用療瘡疾不省有此用也從
者聞輿夫說此亦採得數枚再前大海峭實平田無水地
勢稍庠恐潦溢不免沮洳自此至黑泥峭山色平平都無
佳處地屬馬龍州將暮抵州治州境視霑益殊瘠又驛使
傍午供億與霑益政等城市不甚蕃盛逆旅皆湫陋余所
居舍壁間有前攝牧歐陽公二律雖以自嘲風雅可誦歐
陽公昨歲牧此來時途間見揭所刊勸民俚歌肫懇動心
心儀爲讀書豈弟君子也

初九日發馬龍州衢左有書院曰通泉書院出南門門樓

題額曰解慍阜財而門外坊題慶成字其陽曰萬寶豐盈
乃似平秩西成義意者城無西門故置此耳途中越州峭
小峭塘皆土山平平至烏龍箐山曲谿陡石骨稜厲途所
經以箐名者僅此亦未覺峻險前爲白塔舖有村無塔其
西數里坂上有寺寺有娑羅樹故地號娑羅灣娑羅灣西
行過板橋村路右小山峯石卓立有如人馬戈甲狀俗云
石往朝於關嶺廟也再西南度涼漿峭覺道上石色斑斕
可翫仰觀松檜竦擢森森改觀循山而南盤折到寺下是
爲連珠山覺照菴菴居峯巔修篁掩映萬木謨然其臨徑

鴻泥日錄

卷八

處奉大士爲茶亭榜曰冷然善也僧供茗一啜而別門外
地上菖蒲如鋪綠錦絕饒幽致自此山迤西南山山皆作
朝拱勢並趨關索嶺下輿從山勢低昂上下漸達嶺底石
顏竒峭峻嶒坼露巉巖盤空羊腸斷續山中松檜不翅十
萬稍雲拔地古黛翳空如矛槩森束絕無雜樹即間有一
兩樹皆蓬生麻中矣嶺上古松一株尤竒絕傳是忠武侯
南征盟諸蠻手植於此信否未可知然真數千年古物地
舊有廟稱忠順王廟雍正間制府蔣公改題蜀漢將相祠
改建後殿祀忠武侯像中殿祀關聖帝前祀忠順王忠順

王者聖帝季子名索從征南有功廟食此陳壽志未有傳
昔人以爲嶺有懸組傳訛誤爲名又謂蠻語呼父爲索說
轆轤不可據然神屏禦寇著有功於民秩祀允宜此嶺亦
名萬峯山爲入滇第一雄盛山林皆見英特使人氣懾下
嶺漸平至易隆驛宿爲尋甸州地

謁忠順王祠觀鐵槍銅馬

方言譯語尙傳疑關嶺魏峩拜右祠蕉荔千秋留俎豆
松杉萬岫護旌旗史臣何用存佳傳 漢壽原應有此

兒矛馬摩孛百戰蹟到今靈爽懾蠻爨

鴻泥日錄

卷八

十二

初十日發易隆過雙橋塘憇衢左望危墻上葱蔚佳色入
而闌之松檜參天櫻櫚蔭地巨楸百尺婆娑可愛松廳接
柯躍樹馴不畏人譬如驚猿飛鳥倏去還來知狎鷗者固
能忘機也地爲鳳嶺山普明寺佛宇幽淨髯僧誠朴無佞
意亦無諂容有果蔓生大如栗僧曰有毒不可啖也出門
行十餘里過牌樓哨果子園黑泥哨望對面一山草色離
離云是藥靈山山下有藥王廟山上有藥並苗獨不產甘
草大黃耳輿傍一山木石峭密曰白雲寺殿無他佛像惟
祀關聖帝一龕形勢亦佳山右瞰河流循山水間數里至

村曰河口有權屬雲南郡此數里中山皆紫土絕類牛肝
故前爲牛肝塘又前爲大山峭有村曰橫街子村庶而未
富衢中有文廟非村落所有意昔或設官此地今廢矣漸
前則山開岸闢遠渚長波嵐翠四圍綠疇萬畝是爲嵩明
州秀崧湖秔稻膏腴之利沾挹全滇非徒景色之佳也湖
濱大鼎山松栝如簣艾納青蒼翠鬣霜皮饜風飮雪樹樹
皆作烟霞氣味此山松色之佳伯仲關嶺關嶺以雄拔勝
此山以幽穆勝極幽處有海潮寺寺有樓登之可望遠曲
院陰森一僧茗話頗亦可喜殿基下有石坎舊井魚龍在
鵝泥日錄

卷八

十三

壁其別院開山僧像在焉善氣迎人鬚眉欲活非俗僧也
出寺門穿松石下山側有石碑在厓下曰此乃毒泉飲者
傷生相距數十武別有泉行人仰給焉山行望湖中漁舫
遊艇點點如葉天濶鏡平與閣上景色又殊循湖紆過對
山石皆巉露當湖處有廟爲土主廟登眺定佳惜少林木
耳又數里到楊林驛爲滇來第一村民蕃財殖廬舍次比
有義塾育泮宮制顏曰亦闕里花木繁悅入逆旅解裝買
湖魚煮嘗之

海湖寺望秀嵩湖

初地最高樓登臨此勝遊逕松連石潤座客共僧幽村
落依汀遠農桑到眼稠當窗明鏡好點綴數漁舟

十一日發楊林驛過者察鋪小哨塘大哨長坡左衛塘前
至分水嶺霑益亦有此嶺以近湖得名此嶺下乃無水何
以得名也滇山土多石少土山皆作丹黃色霑益馬龍間
有數山土皆如石石皆如土掬可盈掌五色錯採赭黃紫
黝黛翠青蒼朝霞夕陰望之爛然兩日來所過山又多戴
土近翫不甚可喜從數里外遙望千廻百複掩映淺深則
膚蒼肉赭毛翠骨青覺古人金碧設色定非臆造耳自過
鴻泥日錄

卷八

十四

襄陽目中不見有車過亦資孔驛始見車而不見轍車皆
剡木椎輪有朴素無渾堅一車之重不過一鈞畧具形模
而已過平曩後始見車轍稍類北土至此一日過者察鋪
則石街轍迹皆深二三寸嘆繩鋸木斷水滴石穿良非虛
說獨當土處轍反淺漫爲不可解耳分水嶺數里外遙見
山石異色廻絕羣阜漸近乃見數峯如城廩隱約萬木中
懸巖幽峭潭水澄鮮游鱗了了人不敢犯若下石穴中羣
魚魚貫出入游泳穴前石罅水深無底尤不畏人余往觀
羣魚皆青微黃獨一純黑審諦之覺時大時小人云此爲

烏龍潭意其龍邪潭前寺門有石佛乃就小峯雕成潭後
寺顏曰龍泉前二殿爲玄天與靈官諸帥廊廡間蠻雷八
部瘟火曹司威烈懼奸入者悚息毛慄後殿有

宜聖像冠裳甚古蹙然有憂天下之色三教同祀相皆妙好
生平未拜冠冕到此振衣稽首悲仰歡喜不自解性情之
無端也出寺門行百十步路側石大書深刻勸念南無阿
彌陀佛八字書法端秀可摹前三四里至板橋宿村市雖
長逆旅湫隘不堪居是日方起場百桑並集魍髏裹頭或
如僧尼緝松毛爲繩粥以供爨並礪中兒捆負入市籃纒

鴻泥日錄

卷八

十五

可念望之心惻

十二日發板橋使從者先以手版告於權屬雲南太守守
史公以殿撰外遷大著循譽浙人也晨發過深溝塘高坡
塘皆以地勢名高坡塘南有河河上豐樂寺當門闕聖帝
像跨馬指麾鬚眉儼然等前橋卽名豐樂橋鑄銅犀牛以
鎮水患牛首有穴中空銅澤可鑑神氣逼人拊翫久之前
過鷓鴣哨此鳥南中最多雅非佳音余入滇數日來殊未
聞也再前放馬場地不甚濶未足游牧自過此則山容樹
色掩映鬱盤遠望則昆明湖水依林承岫宛轉出沒覺途

問煩紆之况一豁無餘不復知藍輿頓瘁矣初過隆興寺
普慧菴兩寺棟扉相接隆興固吾郡巨刹觀此名頗憶鄉
里惜不暇入觀再前數里爲興福塘興福寺輿夫憇路側
暫入觀之廊廡阿羅漢相皆端好其後院花繁滿砌犬獐
不敢入遂出就輿其前一里許爲歸化寺寺僧通佛理又
多名花輿人從捷徑行不當寺門竟不得少留觀不免悒
悒又行三四里至迎恩塘實爲省垣之南郭過塘以後民
蕃物豐烟火萬家百貨繁遂游冶如雲祠宇連霓衣冠都
雅南天雄富盡在斯矣入南門折而西循垣城下行一二
里至旅寓解裝其地爲甘公祠側犒輿夫息從者出具公
服告至於諸大憲於是入滇之役畢

到省垣

山明波媚繫遲留問俗人來古益州駐馬相逢多好寺
籌邊從古有高樓牙廳麗日回春煦畫閣清風照素秋
如此昌時應報稱微生敢爲稻梁謀

文誌以采銅之役奔走滇南獲交

椒園先生得讀其所撰鴻泥日錄八卷則真定起程赴滇
莅任舟車中日紀程途並吟詠景物之作也而孝友嫻睦
之意備見於簡端愛民恤下之情流露於言表每令人捧
誦迴環手不忍釋有不知其所以然者蓋孔子論詩歸本
於事父事君又稱溫柔敦厚爲詩教

椒園得三百篇遺旨自足疊疊動人知其所挾持者大矣
杜陵覽元道州春陵行謂結輩十數公落落然參錯天下
爲邦伯則萬物吐氣

鴻泥日錄

跋

椒園治師宗三年民蠻爰戴丕著循聲今受上官知遇調
任麗江麗江繁要邊疆難治爲滇南最得

椒園撫馭其間宣揚

聖澤寧輯羣黎庶此定花之鄉行見井里蒙麻微服安謐

椒園詩中所云如此

昌時應報稱者得以盡酬其夙願而平昔知交於千萬里外
逃聽風聲爲之愉快更何如也至其記載物產攷核山川
直如稽君道之狀草木艷善長之注水經又其餘事矣文
誌差竣匆匆起程檢點原卷歸還因附數語於末謹以誌

於式云時

嘉慶乙丑孟冬上浣閩中弟郭文鈇跋

鴻泥日錄

跋

嘉慶乙丑孟冬上浣閩中弟郭文鈇跋
等元云輯

昔閱徐霞客遊記於所歷山川城郭宮室人物及殊陬遐壤草木巖洞靡不畢具亦足以資卧遊之竒觀矣惜乎言之無文且近瑣屑遠不如水經注之豁人心目近世檀默齋有楚庭稗珠錄詞頗修飾而事多子虛大抵稗珠錄出於閉戶霞客則日紀其遊踪也夫人苟無事好遊無論遊貴游侶之難且安所得此閒身縱得之而堂堂七尺軀豈不虛生天地間哉正定王氏固詩禮家

椒園先生以名進士出宰吾滇有鴻泥錄八卷予得而讀之如曩者身行黔楚鄭衛燕趙間恍若重遊竊佩

鴻泥日錄

跋

三

先生萬里之遊迥非無事且凡所目擊自食其力與夫疲瘡殘疾顛連而無告者無不筆之於簡形諸歌咏又時有煌煌大篇有關名教不僅記叙山川城郭宮室人物草木巖洞爲卧遊資卽其觸景流連興至筆隨皆質有其文情而兼韻至視黔山皆絨媚神苗皆赤子非仁人而能若是乎言爲心聲不其然乎宜乎泚瀆六年治師宗麗江有豈弟聲以循良報最行且大

觀茲行也駕輕車就熟路觸處皆春以生民疾苦上爲我后告當必更有續錄相爲輝映者愧予足跡幾遍天下不過

染塵駭浪曾不能日記其勝則無養甚矣然則先生之鴻
泥錄豈不遠過霞客遊記默齋稗珠錄也哉

嘉慶丁卯孟春下浣保山年愚弟袁文揆拜跋於會垣旅
次

鴻泥日錄

跋

四

白虎通載恒山詳陰終陽始其道常大梁析木辰星出天文志更傳於唐我家幽燕截在北嘉貞碑銘非夸張其間合有大手筆

國朝名相生栢鄉

魏文毅公

文采風流貽宅相

彌甥似魏惟王郎王郎敢觸率然蛇靈珠在握人爭誇觸其一頭一頭至中觸其兩形紛拏行文孰讀博物志孫武

自謝爲兵家有時餘力嚴詩陣常山臨代雄三晉照日分

紅疊嶂明凝烟含翠重岡潤標奇本自太宗文并州之漁

唐音振前日爲我徵驪歌慨當以慷鄉音多紅燭高輝畢

昂宿金樽長馮漳沱河說我燕人從燕役往來錦里如穿

鴻泥日錄

跋

五

梭七十三圭七十璧珠玉在側從經過我慚燕石眞形穢
筑不成聲奈若何 通潞劉垞

日備爲其... 其... 獻... 行... 大志... 曰...



